

Skatterådimit najoqqutassiaa

Pillugu: Pappiaqqanik nalilinnik naqissusiinermi akitsuutip akileraarutitigut suliarineqarnissaa.

Pappiaqqanik nalilinnik naqissusiinermi akitsuut pillugu Inatsisartut inatsisaat nr. 8 31. oktober 1987-imeersoq, 31.oktober 1987-imilu atuutsitaalersukkut pappiaqqat nalillit uppernarsaataasa akitsuuserneqartalernissaat inatsimmi pineqartumi atuutsinneqalerpoq.

Skatterådip aalajangersimavaa pappiaqqanik nalilinnik naqissusiinermi akitsuut pillugu akileraarutitigut imatut suleriaaseqarnissaq:

Pigisanik aalaakkaasunik tunisaqarnermi kiisalu umiarsuarmik 80 bruttoregistertonsitut atsigisumik annerusumilluunniit tunisaqarnermi uppernarsaat.

Pappiaqqat nalillit uppernarsaataat akitsuuserneqartussat tunineqarnerminni nalikillilerneqarsinnaatitaappata ilanngunneqartussaassaaq akitsuut pisisup tunisaqartulluunniit pisiarinerani tunineqarneraniluunniit nalinganut akiliutaat.

Pappiaqqat nalillit uppernarsaataat akitsuuserneqartussat nalikillilerneqarsinnaatitaanngippata aningaasarsiat akileraaruteqaataasussat naatsorsorneqarneranni ilanngaaticineqartussaassanngilaq. Nalikillilerneqarsinnaatitaanngitsumik tunisinermi iluanaarutaasimanera annaasaqaataasimaneraluunniit aningaasarsiat akileraaruteqaataasussat naatsorsorneqarneranni ilanngunneqartussaappat, aningaasarsianit akileraarutit pillugit Inatsisartut inatsisaat, § 14, imaluunniit § 24, litra 2 malillugu, pappiaqqat nalillit naqissuserneqarnerminni akitsuutaat akilersimasaq ilassutitut aningaasartuutitulluunniit ilanngunneqassaaq pisiarinerani tunineqarneraniluunniit nalinganut.

Allagartat akiitsunut uppernarsaatit.

Pantebrev-inut akiligassallu uppernarsaataannut naqissusiinermi akitsuut aningaasarsiat akileraaruteqaataasussat naatsorsorneqarneranni ilanngaaticineqarsinnaanngilaq, nalikillilerneqarsinnaasunut tunngatillugu taamatuttaaq akitsuut pineqartoq ilanngunneqarsinnaanngilaq pisiarinerani tunineqarneraniluunniit nalingata naatsorsorneqarnerani.